

Matumuuna Inatsisartut Suleriaasianni § 33 najoqqutaralugu aalajangiiffigisassatut siunnersuut tullinnguuttoq Naalakkersuisut saqqummiuppaat:

Namminersorlutik Oqartussat aningaasalersuisarnermik ingerlatsineq pillugu inatsimmik allanngineq inatsisini assigiinngitsuni aalajangersakkat ilaasa allanngortinneqarnerinik peqqussut pillugu Inatsisartut aalajangiiffigisassaattut siunnersuut (Ernianut aarlerinaataasunut tunngatillugu taarsigassarsisitsisarfinnut ingerlatseriaatsit nutaat, pisorta qarfinni siulersuisunilu suaassutsinut ikinnerussuteqartunut kisitsisit anguniakkat, aningaasaqarnermi nioqqutigisat nutaat neqeroorutiginerinut atatillugu ingerlatseriaatsit nutaat, pisortanut aamma siulersuisuni ilaasortanut piukkunnassusermut aamma assuarnaassusermut piumasaqaatit, kiisalu soraarnermut atatillugu aaqqiissutinik il.il. tamanut saqqummiussisarnerit)

(Aningaasaqarnermut Akileraartarnermullu Naalakkersuisoq)

Tunngaviliissut

Manna peqqussummut missingiummi aningaasalersuisarnermik ingerlatsineq pillugu inatsit pillugu peqqussummik nutarsaanissaq siunertaavoq. Allannguutaasup aningaasalersuisarnermik ingerlatsineq pillugu Danmarkimi inatsisaasumut allannguutissatut inatsisit arlallit Kalaallit Nunaannut atuutilersippai.

Aningaasalersuisarnermik ingerlatsineq pillugu inatsit aningaasaqarnikkut suliffeqarfinnut tunngavoq, soorlu ilaatigut GrønlandsBANKEN-itut aamma SISA-tut ittunut.

Aningaasalersuisarnermik ingerlatsineq pillugu inatsit 2004-mi Kalaallit Nunaannut atuutilerpoq, peqqussummillu allannguutissatut siunnersuutini taakkunaniipput nutarsaanerit arfineq-pingasut, 2021-mit 2023-p tungaanut Danmarkimi inatsisaasumi pisimasut.

Peqqussummut nalimmassaatit assigiinngitsuupput, ilaatigut siulersuisuni pisortaqtigiinniluunniit suaiaqatigiit naammattumik ilaatinneqannginnerannut anguniagassanut kisitsisitaliussat, suliunnaarnermi ajunngitsorsianik aaqqiissuussat tamanut saqqummiunneqartarnerat, periutsit nioqqutissanillu nutaanik saqqummiussinernut atatillugu akuersisarnerit, Finanstilsynip direktørinut siulersuisunulluunniit ilaasortanut naleqquttuunermik isornaatsuunissamillu naliliinera kiisalu pisortat sumiginnaanerannut atatillugu pineqaatissiissutinik imaqarluni.

Siunnersuummi pingaarnertut imarisat

Peqqusutitigut taarsigassarsisitsisarfiit niuernermut tunngasuunngitsutut suliarisanut ernianut aarlerinaataasunik suussusersinissamut, nalilersuinissamut, aqutsinissamut pinngitsuuisitsinissamullu aaqqiissutinik atuutsitaqalernissaat pillugit piumasaqaat ilanngunneqassaaq. Tamanna aningaasaqarnermi naleqquttuunngitsut pinngitsoortinnissaannut taarsigassarsisitsisarfinnut sakkussanik pitsaanernik malitseqassaaq. Taarsigassarsisitsisarfiit

aaqqiissummik nammineq pigisaminnik suliaqarsinnaapput, imaluunniit nalinginnartut periusaasoq atorsinnaallugu.

Aningaasalersuisarnermik ingerlatsineq pillugu inatsit aamma imatut annertusissaaq, aqutsisoqarfimmi aamma siulersuisuni suaassutsinut ikinnerussuteqartunut kisitsisit anguniakkat aalajangerneqassallutik, imaluunniit kisitsisit anguniakkat aalajangiunneqareersut annertusisinnegassallutik. Tamanna pissaaq 40/60 procentinik suaassutsini naligiittumik agguataarinerup angunissaa tikillugu. Piffissamut tunngasumik pisussaaffeqanngilaq, taamaattorli kisitsisit anguniakkat anguniagaqarfiullutillu piviusorpalaartuussapput.

Aningaasalersuisarnermut ingerlatsiviit aamma tamaaneereersutut nioqquteqarfigisanut pissutsinut attuumassutilittut paatsuugassaannigitsutut kinaassusiinertut inuup normuinik atugaqartarnissaannik pisussaaffilerneqassapput. Siusinnerusukkut tamanna pisinnaasutut akuerisaasimavoq, peqqussutilli najoqqutassaq erseqqillunilu paatsuugassaannigisoq pilersippaa.

Nioqqutigisanik kiffartuussissutinillu nutaanik akuersissuteqartarnernut sunniuteqarluartunik ingerlatseriaatsinik aningaasaqarnermut tunngasut aamma taarsigassarsisitsisarfiit atugaqartitsilissapput. Taamaalillutik aningaasalersuisarnermut ingerlatsiviit nioqqutigisanut nutaanut akuersissuteqarnermik ingerlatseriaaseqarnissaq qularnaartussaassavaat. Aningaasalersuisarnermut ingerlatsivimmut, kiisalu aningaasaqarnermut nakkutilliisoqarfimmut nioqqutit naleqqutinngitsut suussusernissaanut ingerlatseriaaseq pisariinnerulissaaq.

Atorfigisamik isumaginnissinnaanermut piukkunnassusermut aamma assuarnaassusermut piumasagaatitut katersanut pisortat aamma siulersuisuni ilaasortat malittarinnittuunerannik Aningaasaqarnermut Nakkutilliisoqarfiup aalajangiisarnissaa peqqussutip aalajangerpaa, tamanna siusinnerusukkut tassaasimavoq aningaasaqarnermut ingerlatsiviup nalilersuutigisarsimasaa. Tamatumunnga Aningaasaqarnermut Nakkutilliisoqarfik inunnut pineqartunut taakkununnga paasissutissanik pissarsiorsinnaavoq, soorlulusooq taanna piukkunnassusermut aamma assuarnaassusermut piumasagaatinut malittarinnissannigippat inummik erseqqinnerusutut aalajangerneqartumik atorfinitsitaqarnissaq Aningaasaqarnermut Nakkutilliisoqarfiup itigartitsissutigisinnaallugu. Piumasagaatit ilaatigut tassaapput aningaasaqarnermut ingerlatsivimmi siulersuisuni imaluunniit pisortaqaqarfimmi ilaasortap naammattumik ilisimasaqarnissaa, sulianut tunngasumik piginnaasaqarnissaa, aammalu inuussutissarsiummik isumaginninnissamut misilittagaqarnissaa, soorlulusooq inuk pitsaasumik isumaqarfigineqassalluni, aammalu inuup suliarisaminik toqqissisimanartutut ilusilimmik isumaginninnissaanut aarleqqutaasumik nassataqartitsisumik inuk siusinnerusukkut pillagaanermik akisussaaffilersimassanani.

Peqqussutip soraarnermi piumasagaatinik nassuiaat atuutilersippaa, tamatuma kingornatigut soraarnermi piumasagaatit tassaalerlutik soraarnermut atatillugu aningaasarsiarinngisatut imaluunniit sulisunut ajunngitsorsiasaanngitsutut pissarsiarineqartutut akiliutigineqartut sulluunniit. Soraarnermi aamma aaqqiissutinik aningaasaqarnermut ingerlatsiviit tamanut saqqummiussisarnissaat pillugu piumasagaat atuutilersinneqassaaq.

Suliffimmi aamma pisortaqarfittut oqartussaasoqarfiup siulersuisut akissarsiaqartinnerinut tunngatillugu akissarsiarititanut nalunaarussiaq suliaralugu tamanut saqqummiutissavaa. Tamanna siulersuisuusut aningaasarsiaqartitaanerit pillugu tamanik ersarissitsinermik qularnaarissaaq.

Sillimmasiisarfitut suliffeqarfimmi pisortani pisortatut sakkortuumik mianersuaalliortumik, imaluunniit piaarinikkut sumiginnaassusermik pisuussuseqartumik erseqqinnerusumik pineqaatissiinerit aalajangerneqassapput.

Ilatigut aamma ajoqusernermut sillimmasiisarfitut ingerlatseqatigiiffinnut qularnaveeqqusiinermut aningaasaateqarfik pillugu inatsimmut nutaamut, aamma peqquserlulluni aningaasanik malunnarunnaarsaasarneq pillugu inatsimmut naleqqiullugit malittariissitatut naqqiissutit arlalippassuupput.

Pisortanut aningaasatigut kingunerisinnaasat

Nunatsinni oqartussaasoqarfinnut siunnersuut pingaarutilinnik aningaasatigut kingunerisaqassasoq naatsorsuutigineqanngilaq.

Inuussutissarsiorfimmu, innuttaasunut il.il. aningaasaqarnermi aqutsinermilu kingunerisinnaasat

Aningaasaqarnermut ingerlatsivinnut peqqussut annertuumik aningaasaqarnermi kinguneqassasoq naatsorsuutigineqanngilaq, taakku malittarisassianik annertuumik malittarinnereernerat nalilerneqarmat.

Niuernermut tunngasuunngitsut suliarisani ernianut aarlerinaataasunik nalilersuinerit, aqutsinermut pinngitsuuisitsinermullu aaqqiissutinik nutaanik atuutsitsilernerit atatillugu aningaasaqarnermut ingerlatsivinnut annikinnermik aningaasartuuteqassasoq naatsorsuutigineqartariaqarpoq, tamannali aningaasaqarnermut ingerlatsiviit taakku nalinginnartut periutsimik atugaqarnissamik toqqaassappata annikillisarneqarsinnaavoq.

Ilaatigut peqqussutip nassatarisaatut nioqputinik nutaanik akuersissuteqarnerit pillugit ingerlatseriaatsinik nutaanik suliaqarnermut atatillugu aningaasaqarnermut ingerlatsivinnut taakkununga annikinnerusunik aningaasartuuteqassasoq naatsorsuutigineqartariaqarpoq. Aningaasaqarnermut ingerlatsivinnut ataasiakkaanut aningaasaqarnermi aningaasartuutit 100.000 koruuninik qaangiissanngitsut nalilerneqarpoq, pineqarmata suliffiup iluani ingerlatseriaatsinik suliarisat, imaluunniit inatsimmut naleqqiullugu suliffiup iluani ingerlatseriaatsit tamaaneereersut uppernarsaassutinik atuutiinnarnissaat.

Siunnersuut innuttaasunut aningaasaqarnermi kingunerisassaqaanngitsoq naatsorsuutigineqarpoq.

Tusarniaaneq

Siunnersuut piffissami 2. januarimit 31. januarimut 2024-mi tusarniaaffigisartakkanut toqqartukkanut tusarniaassutigineqarsimavoq, aammalu www.naalakkersuisut.gl-imi tusarniaasarfimmi tamanut saqqummiunneqarsimalluni.

Tusarniaanermut akissutit allannguissamik tunngavissiiingillat.

Ilanngussat

1. Aningaasaqarnermut tunngasunik ingerlataqarneq pillugu inatsisip allanngortinnissaa pillugu inatsimmi § 1-imik Kalaallit Nunaannut atuutsitsilernissaq pillugu peqqussut pillugu siunnersuut (Ernianut aarlerinaataasunut tunngatillugu taarsigassarsisitsisarfinnut ingerlatseriaatsit nutaat, pisortaqarfinni siulersuisunilu suaassutsinut ikinnerussuteqartunut kisitsisit anguniakkat, aningaasaqarnermi nioqqutigisat nutaat neqeroorutiginerinut atatillugu ingerlatseriaatsit nutaat, pisortanut aamma siulersuisuni ilaasortanut piukkunnassusermut aamma assuarnaassusermut piumasaqaatit, kiisalu soraarnermut atatillugu aaqqiissutinik il.il. tamanut saqqummiussisarnerit)
2. Aningaasaqarnermut tunngasunik ingerlataqarneq pillugu inatsisip allanngortinnissaa pillugu inatsimmi § 1-imik Kalaallit Nunaannut atuutsitsilernissaq pillugu peqqussummik eqikkaaneq (Ernianut aarlerinaataasunut tunngatillugu taarsigassarsisitsisarfinnut ingerlatseriaatsit nutaat, pisortaqarfinni siulersuisunilu suaassutsinut ikinnerussuteqartunut kisitsisit anguniakkat, aningaasaqarnermi nioqqutigisat nutaat neqeroorutiginerinut atatillugu ingerlatseriaatsit nutaat, pisortanut aamma siulersuisuni ilaasortanut piukkunnassusermut aamma assuarnaassusermut piumasaqaatit, kiisalu soraarnermut atatillugu aaqqiissutinik il.il. tamanut saqqummiussisarnerit)